

邦字手抄

全氏痘疹秘錄

卯集

邱集

邨字抄

全氏家藏痘疹秘錄

全氏家藏痘疹秘錄寅集目錄 見點門

見點總論

見點症治

家傳方治

預護咽目

痘衣

應出不出

痘出不快

一齊湧出

子母痘

已出猶熱

痘內夾癰

痘內夾丹

痘內夾疹

痘內夾痧

痘夾凡瘡

痘夾損傷

初出作痒

痘出稠密

皮薄痘

嬌嫩痘

紫赤痘

口中腥臭

見點吉凶

涼血化毒湯

回陽散火湯

消毒飲

透肌湯

人參歸芪湯

起死回生丹

射干牛子湯

保元湯

神應豆

黃連解毒湯

洗肝明目散

加味甘桔湯

牛子湯

射干湯

一聖散

黃柏膏

蟬退蒙花散

碧玉餅

玉鎖匙

利咽解毒湯

解毒涼血湯

加減保元湯

胡荽酒

惺惺散

升麻葛根湯

快癰湯

防風湯

五積散

白虎湯

四苓散

平胃散

溫中益氣湯

消毒快癰湯

解肌化毒湯

連壳升麻湯

清熱解毒湯

涼血攻毒飲

加味黃芩湯

連壳湯

清地退火湯

元參升麻湯

清和飲

荆防敗毒湯

胭脂膏

保元八珍湯

回陽返本湯

枳元散

玉紅膏

加味八物湯

回陽散火湯

桂枝麻黃各半湯

加味保元湯

參歸鹿茸湯

溫補湯

清金瀉火湯

加味瀉黃散

見點總論 一切雜症仍以初點門治法治之

萬氏曰痘初出時不論疎密而論磊落若痘出磊落如珠顆粒分明尖圓緊實雖密不妨若痘出攢簇成片模糊作塊不分顆粒恰如紅瘤之狀者雖見一二處未可言疎恐有伏毒一時未能盡出也若後再出者則先出之痘或陷而隱或痒而潰致成壞症矣

乘六曰萬氏云痘瘡之期始於見點從見點之痘數之數到七日七日之內如花之始綻而發也其氣日盛七日之後氣歛而花謝矣故服藥者當於七日之內日夜連服毋或姑息此所謂苦之於七日之內正所以全之於百年也人不知此而惟務姑

息延至七日之外服藥雖多有何益哉余謂服藥當在六日前
若六日前雜症悉除毒火俱清痘已起脹完固至七日之時則
膿自生漸漸收靨落痂順手可愈如六日前失治後必生變治
之無益矣

見點症治

管氏曰痘初出時色貴明潤最忌暗燥若痘頂而帶焦紫者此
毒瘀在血分也如不急治必變黑陷宜用涼血解毒之藥形貴
堅硬而厚若皮薄色白為氣虛不能領毒治宜補氣散火如不
急治則痘必痒痛宜用固陽散火湯加白朮茯苓生地治之胸
前稠密宜用消毒飲加山查紫草酒黃芩若痘出稠密成片或

鬱毒未泄而癰點隱在皮膚之間似出不出者急用紫草透肌
湯如初出灰白頂陷或起脹亦不碍手身涼而靜虛寒症也宜
用人參歸芪湯治之若氣凝滯少加木香或嘔吐或腹脹痛或
瀉清水或手足冰冷此純陰症也急用起死回生丹治之或保
元湯加川芎當歸乾姜附子亦妙

乘六曰初見點時痘未毒尚未盡發於外雖屬實症亦不可遽
用丁桂辛熱之味並黃芪寔表之藥蓋毒猶在表內丁桂足以
助火火熾則有內攻之患黃芪固表表寔則痘必難出恐致悶
痘之虞宜豈於發表藥中熱症少加清涼虛寒加以芳草之類然
溫補清涼總以痘色為主如紅紫滯暗者涼血為主淡白皮薄

溫補堪施亦有血為毒滯痘色灰灰白者其人必^身熱如烙口乾
唇焦煩躁不寐或掌紅斑點散布於身亦當涼血活血之類臨
症細審如當清涼即以清涼之藥加於發表劑中自無冰伏之
失如當溫補寧遲一半日視痘全無血色根窠全不起發身涼
體靜方於發表藥中加以參歸如服參歸而痘色轉紅者仍加
解毒之藥如升皮生地連翹之類至於管氏所用丁桂姜附大
抵痘出於大病之後或吐瀉後痘色淡白手足厥冷面白唇淡
者方可用之若非純陰無陽之症斷不可輕投但此症最惡百
難救一醫者慎之

全氏曰痘既見點而未全者用發表導散赤加羌活赤剉芥防風
生地木通山查滑石甘草灯心引

加減法 痘色紅者加升皮赤芍色紫或滯者加地丁重用山
查翻白草紫草頂焦者加酒炒生地痘色淡白或全無血色
者加川芎當歸神識迷悶者加酒炒大黃大便秘者加只羌
大黃惡感者口乾唇焦者加石羔出不快者加紫蘇噴嚏者
重用黃芩咽痛者加桔梗牛子元參煩燥不寧者用灯心湯
調下益元散渴者加花粉知母麥冬喘急咳嗽者加杏仁兜
鈴紫蘇痘頂平者加牛子桔梗元參芥穗吐者加生姜陳皮
藿梗束壁土或用冷姜湯調服益元散大便秘者加澤瀉車

前子去生地肚腹痛者加只羌大黃腰痛者加獨活細辛或
加大黃下之頭痛者加白芷巔頂痛者加藁本不食者及大
便酸臭重用山查神曲麥芽蝟血者加黃芩黑枝子黑芥穗
百草霜京墨汁大便下血者加椿根白皮黃炒眼痛者加菊花
柴胡驚搐者加胆草犀角汁夾癰者加元參紫草小便少加
車前子血痢者加椿根白皮白頭翁槐實當歸白痢加陳皮
生地姜細茶葉四肢冷者加桂枝夾瘡加銀花

乘六日發熱與見點時用藥大畧相不同但既已見點尤當以痘
色為主此時多用寒涼少用溫補蓋毒氣在內未得盡發在外
故也若十分氣虛之症人參當宜早用但黃芪固表未出全時

斷不可用血虛之虛症等歸更宜早加

預護咽目

萬氏曰凡患痘瘡未有不咽痛者心胃有熱上攻於咽乾澀而痛宜於發熱初出之時解之以甘桔湯加牛子甚者宜用射干鼠粘子湯令毒火解散不至停留於咽喉之間致生他變也若初時隱忍不即解之以致毒留咽喉發而為瘡腫脹潰爛水穀不入呼吸不能聲啞難言却欲調治悔無及矣所以甘桔湯為痘後常服之品者以其能利咽喉寬胸膈清肺全解火毒故也如兼口舌生瘡齒浮齦腫者宜甘桔湯合黃連解毒湯加牛子治之若水漿不入口者急用射干鼠粘子湯加桔梗芥穗山豆

根為主。以上症候。須能飲食。臟腑有熱。方可用之。如上焦雖熱。而小便清長。大便泄瀉。飲食不進。用甘桔湯。不加牛子。

又曰。痘初出時。使痘不得入目。以神應美。塗眼四旁。或用胭脂汁塗之。或用水調黃柏末。或以牛子為末。蜜調貼顙上。或以白芥子末。用水調塗足心。此皆預護眼目之良方也。若眼內流淚。或眼角多眵。或目內常赤紅。此乃肝火太盛。宜早鮮之。當服洗肝明目散。加蟬蛻主之。又須忌食發物為要。如濃厚滋味。及一切腥暈油膩之物。都不可食。雞卵鴨蛋亦為目害。惟令小兒常食清淡之物耳。

摘錦曰。治咽痛。用牛子湯。加桔梗。或干射湯。外用一聖散吹之。

又護目法用黃柏膏塗眼四旁如兩目紅脈纏繞及腫閉不開多生眵淚者以蟬花散主之

又痘出眼內中在三日內者可治方用黃丹炒成紫色輕粉各等分研細面

左眼有痘將藥面吹入左耳中右眼有痘將藥面吹入右耳中吹後即可將痘移出眼外真神方也

萬氏曰痘初出時急用油胭脂同蜂蜜塗眼眶上則痘自不入眼或用硃砂末調蜂蜜塗眼眶可無後患

乘六治案痘屬有餘六日時咽喉疼痛而微腫者內服利咽解毒湯外用碧玉餅含舌下而愈又治一子會厭發腫以玉鎖

匙吹之三次而愈又治一子兩眼白睛上皆有紅絲細視之

乃痘形也。但此腫人不近。余曰：痘若出在腫人之上，其眼必壞。今在白輪之上，此腫人不近，故知其不妨也。但禁忌魚腥及一切發物一百天，不然恐後復發而生翳障也。

乘六曰：痘瘡出在眼之白輪上者，不必治眼。但治外痘，則眼內之痘依期而脹，自然依期而收靨矣。

痘衣

當發熱痘初出時，其兒身發紅暈，隱隱在皮膚之內，似疹非疹，名曰痘衣。乃血分過熱所致也。一涼血而紅暈自退，宜用解毒涼血湯加翻白草防風治之。

乘六曰：按痘衣時，醫俱謂痘中夾疹。不知疹比皮膚顯高，而痘

衣隱於皮膚之間如血暈然與疹迥別此痘症極多不能為害
一涼血而衣自退矣

痘出不出

乘六曰痘瘡應出不出者謂發熱過期而痘猶未出也宜分虛
實治之若兒體壯實肌肉頗厚一為風寒所觸腠理閉塞者
必面紅唇赤而焦大渴飲水喘滿不寧煩躁不安或紅紫癰點
隱於皮膚之間宜鮮毒涼血湯加紫蘇羌活防風大黃桃仁大
劑服之冬月加麻少許外用胡荽酒拭之若兒體頗弱微有大
象宜用前方不加大黃若手厥冷精神倦怠肌肉先白自利不
止者此中氣虛弱不能送毒於外宜用加減保元湯治之若因